

10. februar 2016

UPA 2016/71

Inatsisartut suleriaasiat § 36 naapertorlugu apeqquteqaat aallaavigalugu oqallisissiaq matumuuna imaattoq matumuuna saqqummiuppara.

Meeqqat peqqissumik imaqarluartumillu inerikkiartornissaannut, atualernissamut piareersimanissaannut nalinginnaasumillu perorsarsimassusaannut iluaqutaasussamik nunatsinni meeqqanut suli atualinngitsunut perorsaanikkut inerikkiartuutaasumik ilaqtariit meerartallit nuna tamakkerlugu atuinissamut piarerfissaqalernissaat qanoq qulakkeerneqarsinnaanersoq pillugu apeqquteqaat aallaavigalugu oqallisissiatut siunnersuut.

(Inatsisartunut ilaasortaq Hans Enoksen, Partii Naleraq)

Nunatsinni meerartatta pitsaasumik atugaqarlutik peroriartorlutillu angerlarsimaffimminni, meeqqerivinni, atuarfinni, allanilu ulluunerani ornittakkani, meeqqat paarineqarnerinut pitsaasumik atugaqartitsinissarput tamatta inuiaqatigiit soqutigisariaqarparput, ilaqtariinnut inuiannullu tamanut meerartaqarnerup nuannersuunissaa aqqutissiutissallugu.

Ilaqtariinnut arlalinnik meerartalinnut atugassarititaasut oqilisarneqartariaqarput, akillu meeqqat paarineqarnerinut illersorneqarsinnaasut atuutsinneqartariaqarlutik. Inuuniarnikkut atukkat arlalinnut meerartalinnut ilungersunartorujussuarmik inissisimapput, pingaartumik aamma attartukkamik inissiamik atugaqaraanni, tamannami nunatsinni naligiinnaasorujussuummat, ineqarnermilu akit qaffasissorujussuarmik inissimanerat ilaqtariinnut meerartalinnut assut artukkiisarmat.

Aamma taamatorluinnaq ippoq sulilu ilungersunarnerulluni angajoqqaat kisimiittut ulluinnarni inuuniarnikkut atugaat, angajoqqaat kisimiittut, meerallit meeqqerivinnut akiliutaasa ilaatigut aningaasarsiat aallaavigalugit inissinneqartarneri inunnut pineqartunut assoroonartumik inissittarput, ilaatigut qatanngutigii arlaqaraangata inuuniarnikkut ilungersunartumik eqqorneqartarlutik. Taamatullu aamma ineqarnikkut akiliutit qaffasippallaarujussuarlutik. Tamakkaa akuersaaginnartut illugit ingerlanerput nalilersortariaqalerparput, inuimmi akilersinnaasaannik akilersuisinneqarnissaat ajornarsilluinnarsimavoq, akimmi qaffakkiartuinnartut akuersaaginnartut illugit ingerlanerput akuersaaginnaleratsigu, allannguisoqarnissaalu tikinneqartariaqalerpoq.

Kommuunit namminersorlutillu oqartussat peqatigiillutik ilaqtariinnut meerartalinnut meeqqerivinnut akit apparsarneqarnissaat aqqutissiutissagipput Partii Naleqqamiit siunnersuutigarput.

Kommuunit misilittagaqarput ilaatigut Qeqqata kommunia pitsaasumik meeqqerivinnut akinut ilaqtariinnut meerartalinnut atugassaqartitsivoq, tamannalu aaqqissuussineq pitsaasoq nunatsinni meerartalinnut tamanut siammarneqartariaqalerpoq, ilaqtariimmi meerartallit

akiliutaat malunnartumik apparneqarnissaat pimoorullugu sulissutigissagipput Partii Naleqqamiit inatsisartunut kommunillu kammattuutigaarput.

Ukioq manna meeqqat ukiuat ilaqtariinnut meerartalinnut atugassarititaasut oqilisarneqarlutik pitsanngorsartariaqalerput ilaqtariit meerartallit inuuniarnikkut atukkammikkut oqilisaaffigineqartariaqarput tamannalu kommunit Namminersorlutillu oqartussat ataatsimoorullugu sulissutigisariaqarparput.

Inatsisartut oqaaseqaatissaattut siunnersuut:

Apeqquteqaat allaavigalugu oqallisissiaq tunngavigalugu inatsisartut imatut oqaaseqaateqarnissaat siunnersuutigaara:

Ilaqtariit meerartallit isertitakitsut meeqqanut suli atualinngitsunut perorsaanikkut inerikkiartuutaasumik neqeroorutinik atuinissaannik peqataanissaannillu periarfissaqarnerulernissaannik annertunerusumik qulakkeerinninnissamik sulissuteqarnissaat Inatsisartut Naalakkersuisunut kaammattuutigaat

Hans Enoksen
Partii Naleraq